

千金要方

卷五十二之五十六
胃腑方 肺臟方



孫真人備急千金要方卷之五十二

宋朝奉郎守太常少卿充秘閣校理林億等校正

胃腑方

胃腑脈論第一

論曰胃腑者主脾也口唇者是其候也脾合氣於胃胃者水穀之腑也號倉庫守內蓋更重貳斤拾肆兩迂曲屈伸長壹尺陸寸大壹尺伍寸徑伍寸受水穀參斗伍升其中當留穀貳斗水壹斗伍升廣胛大頸張胸五穀乃容而滿上焦泄氣出其精微慄悍滑疾下焦下溉泄諸小腸此腸胃所受水穀之數也平人則不然胃滿則腸虛腸滿則胃虛更滿更虛氣得上下五臟安定血脈和利精神乃居故神者水穀精氣也五藏不足調於胃

故腸胃之中當留穀貳斗肆升水壹斗壹升故人壹日再至後
甲乙後貳升半壹日中伍升柒日伍升參斗伍升而留水穀盡
作圖故平人不飲不食柒日而死者水穀精氣津液皆盡故柒日而
死矣

右手關上陽絕者無胃脈也若吞酸頭痛胃中有冷刺足大陰
治陰在足大指本節後壹寸

右手關上陽實者胃實也若腸中伏伏一作不思食得食不能

消刺足陽明治陽在足上動脈脈浮而乳浮則為陽乳則為陰
浮乳相搏胃氣生熱其陽則絕

跌陽脈浮大者此胃家微虛煩圓必日再行動作頭痛重熱氣
朝者屬胃

胃脈搏堅而長其色赤當病折髀其栗而散者當病食痺髀痛

病先發於胃脹滿伍日之腎少腹腰脊痛脛痠參日之膀胱背

脊筋痛小便閉伍日上之心脾心痛閉塞不通身痛體重靈樞云

參日不已死夜半半後夏日昃胃病者腹臙脹胃管當心而痛

上支兩脇膈咽不通飲食不下下取參里

飲食不下膈塞不通邪在胃管在上管則抑而刺之在下管則

散而去之

胃脹者腹滿胃管痛鼻聞焦臭妨於食大便難

胃瘞令人旦病也善飢而不能食食而支滿腹大刺足陽明太

陰橫脈出血

胃中有癖食冷物者痛不能食食熱則能食脾前受病移於

胃脾欬不已嘔吐長蟲

厥氣客於胃則夢飲食

診得胃脉病形何如肉胃脉實則脹虛則洩脾應肉胛肉胛堅大者胃厚肉胛磨者胃薄肉胛小而磨者胃不堅肉胛不稱其身者胃下胃下者腕約肉胛不堅者胃緩肉胛無小果累標緊者胃急肉胛多小果累者胃結胃結者胃上腕約不利

扁鵲云足太陰與陽明為表裏脾胃若病實則傷熱熱則引水漿常渴虛則傷寒寒則苦飢常痛發於風水其根在胃先從四肢起腹滿大通身腫方在治水篇中

胃絕不治五日死何以知之舌腫溺血大便赤泄

足陽明之脉起於鼻交頰中旁約太陽之脉下循外上齒中

還出俠口環脣下交承漿却循頤後下廉出大迎循頰車上耳

前過客主人循髮際至額顛其支者從大迎前下人迎循喉嚨

入缺盆下膈屬胃絡脾其直者從缺盆下乳內廉下俠臍入氣

街中其支者起胃下口循腹裏下至氣街中而合以下髀關抵

伏兔下膝入臏中下循脗外廉下足跗入中指內間其支者再

膝參寸而別以下入中指外間其支者跗上入大指間出其端

也動則病悽悽振寒善伸數欠頰黑病至誣人與火聞木音

則惕然而驚心動欲獨閉戶牖而處甚則欲上高而歌棄衣而

走黃嚮腹脹是為肝厥是主血所生病者狂瘧溫淫汗出軌衄

口啞脣緊頸腫喉痺大腹水腫膝臏腫痛循膺乳街股伏兔髀

外廉足跗上皆痛中指不用氣盛則身以前皆熱其有餘於胃

則消穀善飢黃氣不足則身以前皆寒慄胃中寒則脹滿盛者則人迎大參倍於寸口虛者則人迎反小於寸口

胃虛實第二

胃實熱

右手關上脉陽實者足陽明經也病苦頭痛脉經作勝中汗不

出如溫瘰脣口乾善噦乳癰缺盆腋下腫痛名曰胃實熱也

瀉胃熱湯方

梔子仁 射干

升麻

茯苓

各三兩

芍藥

四兩

白朮

五兩

赤蜜

生地黄汁

各一升

右八味呖咀以水七升煮取一升半去滓下地黄汁煮兩沸

次下蜜煮取三升分三服老小以意加減

胃中熱病

灸參里參於壯穴在膝下參寸

胃虛冷

右手關上脉陽虛者足陽明經也病苦脛寒不得卧惡風寒灑

灑目急腹痛虛鳴外臺作耳虛鳴時寒時熱脣口乾面目浮腫名曰胃

虛冷也

補胃湯治少氣口苦身體無澤方

栝子仁

防風

細辛

桂心

橘皮

各二兩

芎藭

吳茱萸

人參

各三兩

甘草

一兩

右九味呖咀以水一斗煮取三升分為三服

人參散補胃虛寒身枯絕諸骨皆痛方

小丘山房

卷五十二

日

喬氏世定刻行

人參 甘草 細辛各六分 麥門冬 桂心

當歸各七分 乾薑二兩 遠志一兩 吳茱萸二兩 蜀椒三分

右十味治下節食後溫酒服方寸七

喉嚨論第三

論曰喉嚨者脾胃之候也重十二兩長一尺二寸廣二寸其層圍十二重應十二時主通利水穀之道注來神氣若臟熱喉則腫塞氣不通烏髮膏止之方在第六卷中若腑寒喉則耿耿如物常欲窒塞痺涎唾熱則之寒則通之不熱不寒依臟調之方見第六卷中

反胃第

寸緊尺澀其人胸滿不能食而吐吐止者為下之故不能食設言未止者此為胃反故尺為之微澀

跌陽脉浮而澀浮即為虛澀即傷脾脾傷即不磨朝食暮吐暮食朝吐宿穀不化名胃反跌陽脉緊而澀其病難治治胃虛反食下喉便吐方

人參一兩 澤瀉 甘草 桂心各二兩 橘皮

乾薑各三兩 茯苓四兩 大黃六兩 青竹茹五兩

右九味以水八升煮取三升一服七合日夜一已利者去大黃

治反胃而渴方

茯苓 澤瀉 半夏各四兩 桂心 甘草各二兩

右五味以水五升煮取二升分三服一方入生薑四兩治胃反吐逆不消食吐不止方

小丘山房

喬氏世定刻行

人參

澤瀉

桂心

茯苓

橘皮

甘草

黃耆

大黃

生薑

半夏

麥門冬

右十一味，以水一斗二升，煮取三升，二合一服，八合日

三夜一羸人，六合已利，去大黃。

治胃反朝食，暮吐食，訖腹中刺痛，此由久冷方。

橘皮

甘草

厚朴

茯苓

桂心

細辛

杏仁

竹皮

檳榔

前胡

生薑

人參

右十二味，以水一斗三升，煮取三升，分三服，一方有甘

皮二兩。

又方

橘皮

白朮

人參

蜀椒

桂心

薤白

右六味，以水二升，漬一宿，內羊肚中，縫合，以三升水煮

水盡出之，決破去滓，分三服。

治反胃大驗方

前胡

生薑

阿膠

大麻仁

橘皮

桂心

甘草

大棗

吳茱萸

右九味，以水一斗，升酒二升，煮取一升七合，分二服。

華佗治胃反胃，反為病，朝食暮吐，心下堅如杯，升往來寒熱，吐

逆不下食，此為關上寒，澀所作，將成肺痿，治之方。

小丘山房

卷五十二

喬氏世定刻行

真珠 雄黃 丹砂各三兩 朴消五兩 乾薑十兩

右五味為末蜜丸如梧子先食服三丸若小煩者飲水自解然無所忌神良無比一方用桂心二兩

治胃反食即吐方

擣粟米作麩水和作丸楮子大七枚爛煮內醋中細細吞之得下便已麩亦得用之

大半夏湯治胃反不受食食已即嘔吐方

半夏三升 白蜜 白朮各一兩 人參二兩 生薑三兩

右五味以水五升和蜜揚之二三百下煮取一升半分三服

治胃反食即吐出上氣方

蘆根 芎根各二兩

右二味以水四升煮取二升頓服之得下良

又方飲白馬尿即止

又方燒先死雞臍脰灰酒服男雄女雌

又方淘小芥子曝乾為末酒服方寸七日三

又方灸兩乳下各一寸以瘡為度又灸臍上一寸二十壯又灸

內踝下三指稍邪向前有穴三壯外臺秘要三指作一指也

治酢咽方

麩末一斤 地黃三斤

右二味合擣日乾以酒服三方寸七日三

治噫酢咽方

小丘山房

喬氏世定刻行

吳茱萸斤半 生薑兩三 人參兩一 大棗十二枚
 右四味咬咀以水六升煮取二升先食服一升日再
 治中散食後吐酸水方

乾薑 食茱萸各二兩

右二味治下篩酒服方寸七日二胃冷服之立驗

嘔吐噦逆第五 方 脈 論 灸法

夫吐家脈來形狀如新卧起陽緊陰數其人食已即吐陽浮而數亦為吐寸口脈緊而芤緊即為寒芤即為虛寒虛相搏脈為陰結而遲其人即噎關上數其人則吐跌陽脈微而澀微即下利澀即吐逆穀不得入跌陽脈浮者胃氣虛寒氣在上憂氣在下二氣並爭但出不入其人即嘔而不得食恐怖如死寬

緩即瘧嘔而脈弱小便復利身有微熱見厥難治

論曰凡服湯嘔逆不入腹者先以甘草三兩水三升煮取二升服之得吐但服之不吐益佳消息定然後服餘湯即流利便不吐也凡嘔者多食生薑此是嘔家聖藥

半夏湯治逆氣心中煩悶氣滿嘔吐氣上方一名小枳實湯

半夏升一 生薑升一 茯苓兩五 桂心兩

右四味咬咀以水八升煮取二升半分三服若少氣加甘草二兩

前胡湯治寒熱嘔逆少氣心下堅聚彭亨滿不得食寒熱瘡渴補不足方

前胡 生薑各三兩 甘草 朴消湯下 大黃別浸各二兩

小丘山房 喬氏世定刻行

芍藥 茯苓 麥門冬 當歸 半夏
消石 石膏 栝蒌根 黃芩 附子

人參 各一兩

右十六味 㕮咀以水一斗二升 煮取六升 分四服

治嘔吐四肢痺冷上氣腹熱三焦不調方

前胡 芎藭 甘草 當歸 石膏

人參 桂心 橘皮 各二兩 芍藥 三兩 半夏 四兩

生薑 五兩 大棗 三十枚

右十二味 㕮咀以水一斗二升 下黃芩三兩 合煮取三升 分

三服 一方不用黃芩

小麥湯治嘔吐不止方

小麥 一升 人參 厚朴 各四兩 甘草 一兩 青竹茹 二兩

生薑汁 三合 茯苓 三兩

右七味 㕮咀以水八升 煮取三升 去滓 分三服

猪苓散治嘔而隔上寒方

猪苓 茯苓 白朮 各三兩

右三味 治下節以飲服 方寸七日 三渴者多飲水

犀角人參飲子嘔逆胃氣虛邪風熱不下食方 並皆治之

犀角 人參 各二兩 薤白 五兩 粟米 一合

右四味 㕮咀以水四升 半煮取壹升 柒合 下米煮令米熟 分

四服 相去七里 久進一服

治春夏時行傷寒寒傷於胃胃冷變哕方

小丘山房

喬氏世定刻行

橘皮一 桂心 葛根各二兩 白茅根一升
右四味以水六升煮取三升分三服數進服盡更有熱去桂

小半夏加茯苓湯治諸嘔噦心下堅痞隔間有水痰眩悸者見方
第十八
卷中

治嘔噦方

人參一兩 胡麻仁八分 橘皮一分 枇杷葉八兩

右四味以水一斗煮枇杷葉取五升下藥煮取三升內麻人稍飲之

又方蘆根切三升以水一斗煮取四升分作四服治氣厥嘔噦不得息方

豉一升 半夏八兩 生薑二兩 人參 前胡

桂心 甘草各一兩

右七味以水九升煮取三升分三服

又方

大棗十五枚 附子一枚 橘皮二兩 豉一升 生薑

甘草各一兩

右六味以水九升煎取二升分三服日三

治卒嘔噦厥逆方

飲新汲冷水三升佳

橘皮湯治乾嘔噦若手足厥冷者方

橘皮四兩 生薑半斤

小丘山房

喬氏世定刻行

右二味吹咀以水七升煮取三升分三服不止更合服之
治傷寒後噦乾嘔不下食方

生蘆根升切 青竹茹升 粳米升 生薑二

右四味吹咀以水五升煮取二升分三服不止服三劑

又方

通草 橘皮各二 粳米三 生蘆根升切

右四味吹咀以水四升煮取一升半分三服

治乾嘔吐逆涎沫出者方

半夏 乾薑各等分

右二味吹咀以漿水一升半取煮七合頓服之日三

治病人乾嘔方

取羊乳汁飲一椀

治乾嘔方

酒浸馬屎一宿取汁服之

又方灸心主尺澤亦佳

又灸乳下一寸三十壯

又方乾嘔不止粥食湯藥皆吐不停灸手間使三十壯若四厥脉沉絕不至者灸之便通此起死人法

治噦方

煮豉三升飲汁佳

又方飲空腹飲薑汁一升

又方濃煮蘆根汁飲之

小丘山房

喬氏世定刻行

又方灸承漿七壯炷如麥大

又灸臍下四指七壯

治惡心方

苦瓠穰并子一升碎以酒水三升煮取一升頓服須臾吐并下如蝦蟇衣三升

又方服小便一百日佳

又方麻子一升熬令香熟擣取酒三升熟研濾取一升飲盡日二服盡一石瘥一切病自能飲食不能酒任性多少

治食已吐其食方

大黃四兩 甘草二兩

右二味咬咀以水三升煮取一升半分再服

治食飲輒吐方

頓服生熟湯三升即止

灸法餘散見前

吐逆嘔不得食灸心輸百壯

吐嘔逆不得下食今日食明日吐者灸隔輸百壯

吐變不得下食灸胸堂百壯

吐逆不得食灸巨闕五十壯

吐逆食不住灸胃管百壯三報

吐逆飲食却出灸脾募百壯三報章門也

吐嘔宿汁吞酸灸神光一名百壯三報也甲乙經云日月膽募在期門下五分

吐逆霍亂吐血灸手心主五十壯

噫噦隔中氣閉塞灸腹下聚毛下附脇宛宛中五十壯
噫噦嘔逆灸石關百壯

孫真人備急千金要方卷之五十二終

孫真人備急千金要卷之五十三

宋朝奉郎守太常少卿充秘閣校理林億等校正

胃腑方

噎塞第六 論方

五噎圓治胸中久寒嘔逆逆氣飲食不下結氣不消方

古今錄驗云五

噎者氣噎憂噎勞噎食噎思噎氣噎者心悸上下不通噫噦不
徹胸脇苦痛憂噎者天際苦厥逆心下悸動手足逆冷勞噎者
苦氣隔脇下支滿胸中與塞令手足逆冷不能自溫食噎者食
無多少惟胸中苦塞常痛不得喘息思噎者心悸動喜忘目視
眩眊此皆憂恚填怒寒
氣入胸脇所致也

乾薑

蜀椒

食茱萸

桂心

人參

各五分

細辛

白朮

茯苓

附子

各四分

橘皮

六分

右十味為末蜜和丸如梧子大以酒服三九日二不止稍

小丘山房

喬氏世定刻行

加至十九

又方治五種之氣皆令人噎方

人參

半夏

桂心

防風

一作防葵

小草

附子

細辛

甘草

各二兩

紫苑

乾薑

食茱萸

芍藥

烏頭

各六分

枳實

右十四味為末蜜丸如梧子大以酒服五九日三不止加至十五丸烏頭與半夏相反但去一味合之

竹皮湯治噎聲不出方

竹皮

一用竹葉

細辛

各二兩

甘草

生薑

通草

人參

茯苓

麻黃

五味子

桂心

各一兩

右十味呔咀以水一斗煮竹皮減二升去竹皮下藥煮取三

升分三服

乾薑湯治飲食輒噎方

集驗名 半夏湯

乾薑

石膏

各四兩

人參

桂心

括蔞根

集驗括蔞根各二兩

半夏

小麥

各一升

甘草

一兩

吳茱萸

二升

赤小豆

三十粒

右十味呔咀以酒五升水一斗煮棗二十枚去滓合煮取三

升分三服

通氣湯治胸滿氣噎方

半夏

八兩

生薑

六兩

桂心

三兩

大棗

三十枚

右四味呔咀以水八升煮取三升分五服日三夜二

羚羊角湯治氣噎不通不得食方

羚羊角

通草

橘皮

各二兩

厚朴

吳茱萸

小丘山房

喬氏世定刻行

乾薑

各三兩

烏頭

五枚

右七味吹咀以水九升煮取三升分三服日三

又方

杏仁

各三兩

右二味為末蜜丸如棗大稍稍咽之臨食先含彌佳

治卒噎方

滿口著蜜食之即下

又方捻取飯盆邊零飯一粒食之即下

又方刮春杵頭細糠含之即下神驗

治諸噎方

常食乾粳米飯即不噎

又方末火灰蜜丸如彈子大含少少咽即下

又方老牛涎棗核大水中飲之終身不復噎

論曰凡療病者皆以其類至如治噎之法豈宜以鷓鴣主骨

噎狸虎治魚噎耶至於行笈雍白嚼筋綿蜜等事乃可通為

諸噎用耳

治諸噎方

取鹿筋漬之令濡合而索之大如彈丸以線繫之持筋端

吞之入喉推至硬處徐徐引之喉著筋出

又方作竹篾刮令滑淨綿裏內咽中令至噎處可進退引之

噎即隨出

又方用綿二兩以蜜煎使熱的的爾從外薄噎所在處灼瓠

小丘山房

喬氏世定刻行

以熨綿上若故未出復者一段綿以代前用者并以皂莢屑少吹鼻中使得嚏便出用後方云治哽百日不出者
又方煮雉白令半熟小嚼之以線繫雉中央捉線吞雉下喉至哽處牽引哽即出矣

治哽咽方

以虎骨末若狸骨服方寸七

又方瞿麥末服方寸七

治魚骨哽方

鷓鴣屎服方寸七

又方口稱鷓鴣鷓鴣則下

又方服橘皮湯

又方服沙糖水

又方燒魚網灰服方寸七

必效方云取魚網覆頭立下

治骨鯁在喉衆治不出方

取糝糖丸如雞子黃火吞之不去更吞漸大作丸可至拾

丸止

又方燒虎狼屎服之

又方吞猪膏如雞子不瘥更吞瘥止

治食中吞髮咽不去繞喉方

取亂髮燒末酒服一錢七

治吞錢方

艾蒿五兩以水五升煮取一升頓服之即下

又方服蜜二升即出

又方末火炭酒服方寸七水服亦得

治吞金銀鑲及釵方

白糖二斤一頓漸漸食之多食亦佳

又方吞水銀一兩再服之

悞吞鑲及指羈方

燒鴈毛二七枚末之鵝羽亦得

悞吞釵方

曝韭令萎蒸熟勿切食一束即出或生麥葉筋縷如

韭法皆可用但力意多食自消

悞吞銅鐵而哽者方

燒銅弩牙令赤內酒中飲之立愈

悞吞釘針及箭鏃等方

但多食脂肥肉令飽自裹出

治悞吞針方

取懸針磁石末飲服方寸七即下

古今錄驗云吞針在喉中而服磁

石末入腹若含磁石口中或吸針而出耳也

脹滿第七論方

論曰病者腹滿按而不痛者為虛按之痛者為實也夫腹中滿

不減減不驚人此當下之舌黃未下者下之黃自去腹滿時減

復如故此為寒當得溫藥腹滿口中苦乾燥腹間有水是飲

附陽脉微弦法當腹滿不滿者必下部閉塞大便難兩胠下疼

痛此虛寒氣從下向上當以溫藥服之取瘥腹滿轉痛來趣小
腹為欲自下利也一云腹中痛若轉氣下趣小腹為欲自利
溫胃湯治胃氣不平時脹欬不能食方

附子 當歸 厚朴 人參 橘皮

芍藥 甘草各一兩 乾薑五分 蜀椒三分

右九味以水九升煮取三升分三服

大半夏湯治胃中虛冷腹滿塞下氣方

半夏升一 大棗枚二十 甘草 附子 當歸

人參 厚朴 茯苓 枳實各二兩 桂心兩五

生薑兩八 蜀椒粒二百

右十二味以水一斗煮取三升分三服

附子粳米湯治腹中寒氣脹滿腸鳴切痛胸脇逆滿嘔吐方

附子枚一 半夏 粳米各半升 甘草兩一 大棗枚十

右五味以水八升煮米熟去滓每服一升日三服集驗加乾薑二兩

厚朴七物湯治腹滿氣脹方仲景云治腹滿發熱數十日浮數飲食如故者

厚朴半斤 甘草 大黃各三兩 大棗枚十 枳實枚五

桂心兩二 生薑兩五

右以咀以水一斗煮取五升去滓內大黃煮取四升服八合日三嘔逆者加半夏五合利者去大黃寒多者加生薑至半斤

厚朴三物湯治腹滿發熱數十日脈浮而數飲食如故方

厚朴半斤 大黃兩四 枳實枚五

小丘山房 喬氏世定刻行

右呖咀以水一斗二升煮取五升內大黃煎取三升去滓服
一升腹中轉動者勿服不動者更服一方加芒消二兩
三策黃湯治久寒胸脇逆滿不能食方

吳茱萸半夏 小麥各一升 甘草 人參

桂心各一兩 大棗二十枚 生薑八兩

右八味呖咀以酒五升水三升煮取三升分三服

大桂湯治虛羸胸膈滿方

桂心 生薑各一兩 半夏一升 黃耆四兩

右四味呖咀以水一斗半煮取五升分五服日三夜二

治男子卒勞內傷汗出中風腹脹大飢食不下心痛小便赤黃
時白大便不利方

大黃 葶藶 寒水石 苦參 黃連

栝蒌根各等分

右六味為末蜜丸以豉汁和飲服如梧子大二九日三加
至十九

灸法

臚脹脇腹滿灸膈輸百壯三報

胸滿心腹積聚痞痛灸肝輸百壯三報

脹滿水腫灸脾輸隨年壯三報

腹中氣脹引脊痛食飲多身羸瘦名曰食晦先取脾輸後

取季脇

臚腑積聚脹滿羸瘦不能飲食灸三焦輸隨年壯

脹滿雷鳴灸大腸輸百壯三報

脹滿氣聚寒灸胃管百壯三報穴在鳩尾下三寸

腹脹滿繞臍結痛堅不能食灸中守百壯穴在臍上一寸一名

水分

脹滿疲聚滯下痛冷灸氣海十壯穴在臍下一寸忌不可針

脹滿氣如水腫狀小腹堅如石灸膀胱募百壯穴在中極臍下

四寸

脹滿腎冷疲聚洩利灸太樞百壯穴在臍傍相對橫去臍兩傍

各二寸

痼冷積熱第八

方論灸法

論曰凡人中寒者喜欠其人清涕出發熱色和者善嚏凡覘

病者未脉望之口燥清涕出善嚏欠此人中寒其人下利以裏

虛故也欲嚏不能此人腹中痛凡寒脉沉弦脉雙弦者寒也弦

脉狀如張弓弦按之不移脉數弦者當下其寒脉雙弦而遲者

心下堅脉大而緊者陽中有陰可下之右手寸口脉弦者即脇

下拘急而痛其人漉漉惡寒師曰遲者為寒澀為無血寸口脉

微尺中緊而澀緊即為寒微即為虛澀即為血不足故知發汗

而復下之大露宿丸主寒冷百病方見第十七卷中

礬石 桂心 附子 乾薑各二兩

右四味為末蜜丸如梧子大每服十九日三後稍加之

露宿丸治遇冷氣心下結緊嘔逆寒食不消并主傷寒晨夜觸

小丘山房

喬氏世定刻行

寒冷惡氣方

附子 烏頭 桂心 礞石各四兩

右四味為末蜜丸如胡豆大以酒服三九日三加至十九藥耐寒冷忌熟食近火宜冷飲食

治痼冷風眩寒中手足冷胃口寒臍下冷百病五勞七傷第一令人能食二強盛三益氣四有子神驗方

大豆三升 生地黃十五斤 烏頭一百五十枚

右三味以除日咬咀烏頭以酒一斗半和地黃汁浸烏頭至破日絞去滓內豆藥汁中至除日出曝之有汁更浸曝之至汁盡藥成初服送二豆起可至二十豆酒服之有病空腹服無病食後服四時合並得二月三月為上時藥令人能食益

氣盛有子髮白反黑齒落重生先病熱人不可服

治心腹痼冷百治不瘥方

麴末三升 白朮五兩 乾薑 桂心各三兩 蜀椒

吳茱萸各二兩

右六味治下節以末飲服方寸七日二不過五劑諸冷頓愈無忌空腹服之

治積年冷病方

蜀椒二兩 香豉一升

右二味擣椒為末和豉更擣三千杵丸如彈丸大食前酒服日再

治諸冷極醫所不治方

小丘山房

喬氏世定刻行

馬蘭子九升淨治去上空腹服一合日三飲及酒下之服訖
須臾以食壓之取瘥乃止

赤圓治寒氣厥逆方

茯苓 桂心各四兩 細辛一兩 烏頭 附子各二兩

射罔如大棗一兩

右六味為末內真珠為色蜜丸如麻子空腹酒服九日每
夜一不止加至二九以止為度一用半夏四兩不用准

半夏湯治胸滿有氣心腹中冷方

半夏一升 桂心四兩 生薑八兩

右三味咬咀以水七升煮取三升一服七合日三服

生薑湯溫中下氣方

生薑一升 甘草三兩 桂心四兩

右三味咬咀以水六升煮取一升半一服五合日三服

甘草湯治虛羸憊氣欲絕方

甘草 五味子 生薑各二兩 人參一兩 吳茱萸一升

右五味咬咀以水四升煮茱萸令小沸去滓內藥煮取一升

六合分二服服數劑佳

茱萸消石湯治久寒不欲飲食數十年癖飲方

吳茱萸八合 消石一升 生薑一升

右三味以酒一斗水解令得二斗煮藥取四升服二升病即

下去勿更服也初下如泔後如污泥若如沫滓吐者更可服

之養如乳婦法

小丘山房

喬氏世定刻行

大建中湯治心脇中大寒大痛嘔不能飲食飲下咽自知
偏從一面下流有聲決決然若腹中寒氣上衝皮起出見有
頭足上下而痛其頭不可觸近方

蜀椒

二合

乾薑

四兩

人參

二兩

枳糖

升

右四味以水四升煮取二升去滓內糖微火煮令得一
升半分三服服湯如炊三升米久可飲粥二升許更服當
一日食糜溫服之

大黃附子湯治脇下偏痛發熱其脉緊弦此寒也當以溫
藥下之方

大黃

三兩

附子

三枚

細辛

二兩

右三味以水五升煮取二升分再服

論曰寸口脉弦而緊弦即衛氣不行衛氣不行即惡寒緊
則不欲飲食弦緊相搏即為寒疝對陽脉浮而遲浮即為風
虛遲即為寒疝凡瘦人繞臍痛必有風冷穀氣不行而反下
之其氣必衝不衝者心下則痞

大烏頭湯主寒疝繞臍苦痛發即白汗出手足厥寒其脉

沉弦者方

仲景名二物烏頭煎

烏頭十五枚熬黑不切以水三升煮取一升去滓內白
蜜二升煎令水氣盡得二升強人服七合羸人五合一
服未效明日更服每日止一服不可再也

烏頭桂枝湯治大寒疝腹中痛逆冷手足不仁若一身盡痛
灸刺諸藥不能治方

秋乾烏頭實中者五枚餘者角 白蜜介一

右二味以蜜煎烏頭減半去滓以桂枝湯五合解之令得

一升許初服二合不止更進三合復不止加至五合其止

者如醉狀得吐者為中病也桂枝湯方見傷寒卷中

外臺方云以水二升半煮桂取一升以桂汁和蜜煎合煎之一升許服又云范汪方云以桂枝湯和前烏煎服

論曰凡人患大熱皆煩候眩若大大熱者不得一準方用藥皆準病用藥大熱不可却者當兩倍三倍大大熱者乃至十倍用之乃可制之爾有人苦熱不已皆由服石所致種種服餌不能制止惟朴消煎可以定之武德中有貴高人師市奴謂之金石凌非也此方直用二消寒水石石膏可也即不勞金有金者貴高人所加也

朴消煎方

朴消斤一 砒硝八兩 石膏 金各二兩 寒水石四兩

右五味先內二消於八升湯中攪令消以紙密封一宿取清內銅器中別擣寒水石石膏碎如豆粒以絹袋盛之內汁中以微火煎候其上有漠起以筋投中著筋如凌雪凝白急下瀉煮盆中待凝取出烈日曝乾積熱困悶不已者以方寸七白蜜一合和冷水五合攪和令消頓服之日三熱定即止

五石湯治胃間熱熱病後不除煩悶口中乾渴方

寒水石 消石 赤石脂 龍骨 桔萸根

牡蠣 甘草 黃芩各五分 知母 桂心

小丘山房 喬氏世定刻行

石膏各三分 大黃二分

右十二味以水七升煮取三升分四服日三夜一諸本只

竹葉湯治五心熱手足煩疼口乾唇燥胸中熱方

竹葉 小麥各一升 知母 石膏各三分 茯苓

黃芩 麥門冬各二兩 人參一兩半 生薑五兩 栝萸根

半夏 甘草各一兩

右十二味以水一斗二升煮竹葉小麥取八升去滓內

藥煮取三升分三服老小分五服

半夏湯治胸中客熱心中煩滿氣上大小便難方

半夏一升 生薑八兩 前胡四兩 茯苓 白朮各五兩

甘草一兩 黃芩 人參各二兩 杏仁 枳實各三兩

右十味以水九升煮取三升分三服胃中大熱者沉冷

服之大小便澀加大黃二兩一方用梔子仁二兩為上一水

承氣湯治氣結胸中熱在胃管飲食嘔逆渴方

前胡 枳實 桂心 大黃 寒水石

知母 甘草各一兩 消石 栝萸根 石膏各三兩

右十味以水一斗煮取三升分三服

治熱氣手足心煩熱如火方

竹葉二升 枳實三兩 青葙子 白前各一兩 吳茱萸

黃芩各二分 栝萸根 麥門冬各二兩 生薑六兩 前胡一作藥

半夏各五兩

右十一味以水八升煮取二升分三服

小丘山房

喬氏世定刻行

地黃煎治熱方

地黃汁三合 茯苓四升

知母

姜蕤各四兩

栝萎根五兩

竹瀝三合一用竹葉 生薑汁

生地骨皮

白蜜

生麥門冬汁各二升

石膏八兩

右十一味以水一斗二升先煮諸藥取汁三升去滓下

竹瀝地黃麥門冬汁微火熬四五沸下蜜薑汁微火煎取六

升初服四合日三夜一加至六七合四月五月作散服之

治積熱方

枳實

黃芩

大黃

黃連

碎硝各二兩

右五味為末蜜丸如梧子大空心酒服三十九加至四十九

日一服

治膈上熱方

苦參十兩

玄參五兩

麥門冬三兩 車前子二兩

右四味為末蜜丸如梧子大一服十五丸日二服

細圓治客熱結塞不流利方

大黃

葶藶各三兩

香豉三合

杏仁

巴豆各五分

右五味為末蜜丸如梧子大每日飲服二丸以利為度

治骨蒸熱羸瘦煩悶短氣喘息鼻張日西即發方

龍膽

黃連

栝萎根四分

碎硝二分

梔子十枚

苦參

大黃

黃芩

芍藥

青箱子各二兩

右十味為末蜜丸如梧子大飲服二丸日二以止為度一方

無苦參已下止五味

張文仲為散方寸七

小丘山房

喬氏世定刻行

治骨蒸方

天靈蓋如椀大炙令黃碎以水五升煮取二升分三服起
死人神方

又方水服芒消二方寸七日二服神良

又方取人屎灰以酒服方寸七日二服

治五臟熱及身體熱脈弦急者方

灸第十四椎與臍相當五十壯老小增損之若虛寒至百

壯橫三間寸灸之

孫真人備急千金要方卷之五十三

孫真人備急千金要方卷之五十四

宋朝奉郎守太常少卿充秘閣校理林億等校正

肺臟方

肺臟脈論第一

論曰肺主魄魄藏者任物之精也為上將軍使在上行所以肺
為五臟之華蓋並精出入謂之魄魄者肺之藏也鼻者肺之官
肺氣通於鼻鼻和則能知香臭矣循環紫宮上出於頰候於鼻
下迴肺中榮華於髮外主氣內主胸與乳相當左乳庚右乳辛
肺重三斤三兩六葉兩耳凡八葉有十四童子七女子守之神名
鴻鴻主藏魄號為魄藏隨節應會故云肺藏氣氣舍魄在氣為
欬在液為涕肺氣虛則鼻息利少氣實則喘喝胸憑仰息肺氣

虛則夢見白物見人斬血藉藉得其時則夢見兵戰氣盛則夢
恐懼哭泣厥氣客於肺則夢飛揚見金鐵之器及奇物

凡肺藏象金與大腸合為腑其經手太陰與陽明為表裏其脉
浮相於季夏主於秋秋時萬物之所終宿葉落柯悽悽枝條机
然獨在其脉為微浮衛氣遲榮氣數數則在上遲則在下故名
曰毛陽當陷而不陷陰當昇而不昇為邪所中

二氣感激故易為風寒

中邪則捲陰中邪則緊捲則惡寒緊則為慄寒慄相搏故名曰
瘧弱則發熱浮乃來出旦中且發暮中暮發藏有遠近脉有遲
疾周有度數行有漏刻遲在上傷毛采數在下傷下焦中焦有
惡則見有喜則匿陽氣下陷陰氣則溢陽反在下陰反在巔故
名曰長而且留秋脉如浮秋脉肺也西方金也萬物之所以收

成也故其氣來輕虛而浮來急去散故曰浮反此者病何如而
反其氣來毛而中央堅兩傍虛此謂太過病在外其氣來毛而
微此謂不及病在中太過則令人氣逆而背痛愠愠然不及則
令人喘呼吸少氣而欬上氣見血下聞病音

肺脉來厭厭聶聶如落榆莢曰肺平秋以胃氣為本肺脉未不
上不下如循雞羽曰肺病

葉源無不字

肺脉來如物之浮如風吹毛曰肺死

真肺脉至大而虛如以毛羽中人膚色白赤不澤毛折乃死

秋胃微毛曰平毛多胃少曰肺病但毛無胃曰死毛而有弦曰

春病弦甚曰全病

肺藏氣氣舍魄喜樂無極則傷魄魄傷則狂狂者意不存人皮

華焦毛悴色夭死于夏

手太陰氣絕則皮毛焦太陰者行氣溫皮毛者也氣弗營則皮
毛焦皮毛焦則津液去津液去則皮節傷皮節傷者則爪一作皮

枯毛折毛折者則氣先死丙篤丁死火勝金也

肺死藏浮之虛按之弱如葱葉下根者死秋金肺王其脉微澀
而短曰平反得大而緩者是脾之乘肺母之歸子為虛邪雖病
易治反得沉濡而滑者是腎之乘肺子之乘母為實邪雖病自
愈反得浮大而洪者是心之乘肺火之尅金為賊邪大逆十死
不治反得弦細而長者是肝之乘肺木之陵金為微邪雖病即
瘥肝乘肺必作虛

右手關前寸口陰絕者無肺脉也若短氣欬逆喉中塞噫逆刺

手陽明治陽

右手關前寸口陰實者肺實也若小氣胸中滿膨膨與肩相引
刺手太陰治陰

肺脉未泛泛輕如微風吹鳥背上毛再至曰平三至曰惟經病四
至脫精五至死六至命盡手太陰脉也

肺脉急甚為癩疾微急為肺寒熱急情欬唾血引腰背胸若鼻
息肉不通緩甚為多汗微緩為痿漏風一作偏風頭已下汗出不可

止大甚為脛腫微大為肺痺引胸背起腰內小甚為殮泄微小
為消痺滑甚為息賁上氣微滑為上下出血瀦甚為嘔血微瀦
為鼠瘻在頸肢腋之間下不勝其上其能喜酸

肺脉搏堅而長當病唾血其濡而散者當病漏一作汗至今不

復發散

白脉之至也喘而浮上虛下實驚有積氣在胸中喘而虛名曰肺脾寒熱得之醉而使內也

黃帝問曰經脉十二而手太陰之脉獨動不休何也手太陰本在寸口中

岐伯對曰足陽明胃脉也胃者五臟六腑之海

胃脉在足趺上大趾間上行三

寸骨解其精氣上清注於肺肺氣從大陰而行之其行之也以

息往來故人一呼脉再動一吸脉亦再動呼吸不已脉動不止

黃帝問曰氣口何以獨為五臟主岐伯曰胃者水穀之海六腑

胃居其大五味入於口藏於胃以養五臟氣氣口者大陰是也

臟腑之氣味皆出於胃變見於氣口氣口屬腑藏主即呼寸口

者也

扁鵲曰肺有病則鼻口張實熱則喘逆胸憑仰息其陽氣壯則

夢恐懼等虛寒則欬息下利小氣其陰氣壯則夢涉水等肺在

聲為哭在變動為欬在志為憂憂傷肺精氣并於肺則悲也

味主秋結滿而血者病在胸及以飲食不節得病者取之合故

命曰味主合

病光發於肺喘欬三日之肝脇痛支滿一日之脾閉塞不通身

痛體重五日之胃腹脹十日不已死冬日入夏日出病在肺下

晡慧日中甚夜半靜

假令肺病南行若食馬肉及鹿草肉得之不者當以夏時發得病

以丙丁日也宜赤藥

小丘山房

喬氏世定刻行

凡肺病之狀必喘欬逆氣有息背痛汗出尻陰股膝髀臑肘足皆痛虛則少氣不能報息耳聾啞乾取其經手太陰足太陽之外厥陰內少陰血者

肺脉沉之而數浮之而喘苦洗洗寒熱腹滿腸中熱小便赤有背痛從腰以上汗出得之房內汗出當風

肺病其色白身體寒但無熱時時欬其脉微遲為可治宜服五味子大補肺湯瀉肺散春當刺少商夏刺魚際皆瀉之季夏刺大淵秋刺經渠冬刺尺澤比自補之又當灸臑中百壯第三椎二十五壯

邪在肺則皮膚痛發寒壯上氣氣喘汗出欬動肩背取之膺中外輸背第三椎之傍以手一痛按之快然乃刺之取之缺盆中以

越之

形寒寒飲則傷肺以其兩寒相感中外皆傷故氣逆而上行肺傷其人勞倦則欬唾血其脉細緊浮數皆吐血此為躁擾嗔怒得之肺傷氣擁所致也

中風者口燥而喘身運而重冒而腫脹

中寒者其人吐濁涕

水者其人身體腫而小便難時時而大便鴨溏

脹者虛而滿喘欬目如脫狀其脉浮大

陽脉浮緩少陽脉微緊微為血虛緊為微寒此為鼠乳診得肺積脉浮而毛按之辟易脇下時時痛逆背相引痛少氣善忘目瞑結癰皮膚寒秋愈夏劇主皮中時痛如蠶緣之狀甚者如

針刺之狀時癢色白也

肺之積名曰息音在右脇下覆大如杯久久不愈病灑灑寒熱氣逆喘欬發肺癰以春甲乙日得之何也心病傳肺肺當傳肝肝適以春王者不受邪脉復欬還心心不肯受因留結為積故知息貫以春得之

肺病身當有熱欬嗽短氣唾出膿血其脉當短濇令反浮大其色當白而反赤者此是火之尅金為大逆十死不治商音人者主肺聲也肺聲哭其音磬其志樂其經手太陰厥逆陽明則榮衛不通陰陽反祚陽氣內擊陰氣外傷傷則寒寒則虛虛則厲風所中噓吸戰掉語聲嘶塞而散下氣息短憊四肢僻弱面色青葩遺失便利甚則不可治依源麻黃續命湯主之方見第

八卷中

又言音喘急短氣好唾此為火尅金陽擊陰陰氣沉陽氣昇昇則實實則熱則狂狂則閉眼悸言非常所說口赤而張飲無時度此熱傷肺肺化為血不治若面赤而鼻不歌可治也

肺病為瘞者令人心寒寒甚則熱熱間善驚如有所見者恒山

湯主之方見第十卷中若其人本來語聲雄烈忽爾不亮拖氣用力方

得出言而反於常人呼共語直視不應雖曰未病勢當不久此則肺病聲之候也察觀疾病表裏相應依源審治乃不失也

白為肺肺合皮白如豕膏者吉肺主鼻鼻是肺之餘其人金形相比於上商白色小頭方面小肩背小腹小手足發動身輕精廉急心靜悍性喜為吏耐秋冬不耐春夏春夏感而生病主手

太陰廉廉然有膺厚薄正竦則肺應之正白色小理者則肺小小則少飲不病喘喘粗理者則肺大大則虛虛則寒喘鳴多飲病胸喉痺逆氣巨肩反膺陷喉者則肺高高則實實則熱上氣肩息欬逆合腋張脇者則肺下下則逼貫迫肝善脇下痛鼻塞或壅而涕生息肉好有背厚者則肺堅堅則不病欬上氣肩背薄者則肺脆脆則易傷於熱喘息鼻衄肩膺好者則肺端正端正則和利難傷膺偏歌者則肺偏傾偏傾則病胸偏痛鼻赤偏疾凡人分部陷起者必有病生大腸陽明為肺之部而藏氣通於內外部亦隨而應之沉濁為內浮清為外若外病內入則所部起內病裏出則所部陷外入前治陽後治陰內出前治陰後治陽實瀉虛補陽主外陰主內凡人死生休否則藏神前變形于外人肺前病鼻則為之孔開焦枯若肺前死鼻則為之梁折孔閉青黑色若天中等分墓色應之必死不活看色深淺斟酌賒促遠不出一年促不延時月肺疾少愈而卒死何以知之曰赤色黑如拇指鷹點見頰頰上此必卒死肺絕三日死何以知之口張但氣出而不還面白目青是謂亂經飲酒當風風入肺經膽氣妄泄目則為青雖有天救不可復生面黃目白如枯骨死吉凶之色在於分部順順而見赤白入鼻必病不出其年若年間不應三年之中禍必應也

秋金肺脉色白主手太陰脉也秋取經輸秋者金始治肺將收殺金將勝火陽氣在合陰氣初勝濕氣及體陰氣未盛未能深入故取輸以瀉陰邪取合以虛陽邪陽氣始衰故取於合

其脉本在寸口之中掌後兩筋間二寸中應在腋下動脉其
脉根於太倉太倉在臍上三寸一分是也

其筋起於手大指之上循指上行結於魚後行寸口外側上循
臂結肘中上臑內廉入腋下上出缺盆結肩 前上結缺盆下
結胸裏散貫貫下抵季脇

其脉起於中焦下絡大腸還循胃口上膈屬肺從肺系橫出
腋下下循臑內行少陰心主之前下肘中後循臂內上骨下廉
入寸口上魚循魚際出大指之端其支者從腕後直次指內廉
出其端合手陽為表裏陽明之本在肘骨中同會于手太陰
大陰之別名列缺起於腋下分間並太陽之經直入掌中散入
於魚際別走手陽明主肺生病病實則大腸熱熱則手兌掌

起起則陽病陽脉反逆大於寸口三倍病則欬上氣喘渴煩心
胸滿臂內前廉痛掌中熱氣盛有餘則肩背痛風汗出中風虛
則大腸寒寒則欠欬小便遺數數則陰病陰脉反小於寸口一
倍病則肩背寒痛少氣不足以息季脇空痛尿色變卒遺失無
度

秋三月者主肺大腸白氣裡病也其源從太陽繫手太陰太陰
受濕邪之氣則經絡壅滯毛皮緊腎發泄邪主則臟腑傷通隨
秋受瀉其病相及若腑虛則為陰邪所傷作寒乍熱損肺傷氣
暴嗽嘔逆若臟實則為陽毒所損體熱生斑氣喘引飲故曰白
氣裡病也

扁鵲云冬心肺二輸主治丹毒白裡病當依源為療調其陽理

其陰則臟腑之病不主矣

肺虛實第二麻方
灸法

肺實熱

右手寸口氣口以前脈陰實者手太陰經也病若肺脹汗出若
露上氣喘逆咽中塞如欲嘔狀名曰肺實熱也

治肺實熱胸憑仰息泄氣除熱方

石膏八兩 白前兩 杏仁各三兩 赤密七

橘皮 白木各五兩

枸杞根皮切二

右七味吹咀以水也升煮取二升去滓下
蜜煮三沸分三服

治肺熱悶不止胸中喘急驚悸客熱來去欲死不堪服藥泄胸

中喘氣方

桃皮 芫花各一升

右二味吹咀以水四斗煮取一斗五升去滓以故布手巾內
汁中薄胸溫四肢不盈數日即歇

橘皮湯治肺熱氣上欬息奔喘方

橘皮 麻黃各三兩 柴胡 乾紫蘇剛紫作乾
藍各二兩

宿薑 杏仁各四兩 石膏八兩

右七味吹咀以水九升煮麻黃兩沸去沫下諸藥煮取三升
去滓分三服不瘥與兩劑

治肺熱喘息鼻衄血方

小丘山房

喬氏世定刻行

羚羊角 玄參 射干 雞蘇 芍藥

升麻 柏皮各三兩 生地黄切一兩 梔子仁四兩 淡竹茹雞子一枚

右十味以水九升煮取三升分三服須利者下硝磺三兩更煮三沸

治肺熱飲酒當風風入肺膽氣妄泄目青氣喘方

麻黃四兩 甘草 五味子各三兩 杏仁五十枚 母薑五兩

淡竹葉切一升

右六味以水七升先煮麻去沫下諸藥煮取三升去滓分三服

瀉肺散治酒客勞倦或出當風喜怒氣舍於肺面目黃腫起即頭眩欬逆上氣時忽忽欬絕心下弦急不能飲食或吐膿血胸

痛引背支滿欬嘔方

五味子 百部各二兩半 茯苓 附子 茯苓

當歸 石斛 遠志 續斷各一兩 細辛

甘草各七分 防風 蜀椒 紫苑 桂心

欬冬花 乾薑各一兩半 桃仁六十枚 杏仁三十枚

右十九味治下篩以酒服方寸七日三後稍加至二七

灸法

肺脹氣搶脇下熱痛灸陰都隨年壯穴在俠胃管兩邊相去一寸胃管在心下三寸

肺脹脇滿嘔吐上氣等病灸大椎并兩乳上第三肋間各止七

註

小丘山房

卷五十四

看氏世定刻行

肺與大腸俱實

右手寸口氣口以前脉陰陽俱實者手太陰與陽明經俱實也病者頭痛目眩驚狂喉痺痛手臂捲脣吻不收名曰肺與大腸俱實也治肺與大腸俱實令人氣憑滿煮散方

茯苓

麻黃

各六分

黃耆

大青

桂心

各三分

細辛

杏仁

各五分

石膏

二兩

丹參

半兩

五味子

甘草

貝母

橘皮

芎藭

各兩

枳實

三枚

右十五味治下節為粗散帛裹一方寸七分半并花水一升五合煮取七合為一服日再

肺虛冷

右手寸口氣口以前脉陰虛者手太陰經也病者少氣不足以息嗑乾不津液名曰肺虛冷也

治肺虛冷聲嘶傷語言用力戰掉緩弱虛瘠風入肺方

防風

獨活

芎藭

秦椒

乾薑

黃耆

各四十二銖

天雄

麻黃

五味子

山茱萸

各三十一銖

甘草

三十六銖

秦艽

桂心

薯蕷

杜仲

人參

細辛

防已

各三十銖

甘菊花

紫苑

各二十四銖

貫衆

二枚

附子

七分

右二十二味治下節以酒服方寸七日一方有石膏六分當歸五分

酥蜜膏酒治肺虛寒癘風所傷語聲嘶塞氣息喘憊欬唾止氣嗽通聲方

酥

崖蜜

飴糖

生薑汁

生百部汁

小丘山房

卷之二十四

二

喬氏世定刻行

棗肉

杏仁

各一升 研甘皮五貝末

右八味合和微火煎常攪三上三下約一炊久取薑汁等各減半止溫酒一升方服寸七細細咽之日二夜一

又方

豬脰

三具

大棗

百枚

右二味以酒五升漬之秋冬七日夏春五日出布絞去滓七

日服盡二七日忌鹽羊脰亦得治欬嗽胸脇支滿多喘上氣

尤良 肘後方治久效上氣二十年諸治不痊者

治肺寒損傷氣嗽及涕唾鼻塞方

棗肉

二斤 研作脂

杏仁

一升 熬研為脂酥

生薑汁

白糖

白蜜

生百部汁 各一升

右七味合和微火煎常攪約一炊久下之細細溫清酒服二合日二

補肺湯治肺氣不足逆滿上氣咽中悶塞短氣寒從背起口中如含霜雪言語失聲甚者吐血方

五味子

三兩

乾薑

桂心

欬冬花

各二兩

麥門冬

一升

大棗

一百枚

粳米

二合

桑根白皮

一斤

右八味以水一斗先煮桑白皮五沸下藥煮取三升三服

又方

黃耆

五兩

甘草

鍾乳

人參

各二兩

乾地黄

桂心

茯苓

白石英

桑白皮

厚朴

小丘山房

卷五十四

三

喬氏世定刻行

乾薑 紫苑 橘皮 當歸 五味子

遠志 麥門冬各三兩 大棗二十枚

右十八味以水一斗四升煮取四升分五味日三夜二
又方專治肺氣不足欬逆上氣牽繩而坐吐沫唾血不能飲食
方

蘇子一升 桑白皮五兩 半夏六兩 紫苑 人參

甘草 五味子 杏仁各二兩 欬冬花 射干各一兩

麻黃 乾薑 桂心各三兩 細辛一兩半

右十四味以水一斗二升煮取三升半分五服日三夜
二

又方治肺氣不足欬逆短氣寒從背起口中如含霜雪語無音

聲而渴舌本乾燥方

五味子 蘇子各一升 白石英 鍾乳各三兩 欬冬花

竹葉 橘皮 桂心 桑白皮 茯苓

紫苑各二兩 粳米二合 麥門冬四兩 生薑五兩 杏仁五十枚

大棗一枚

右十六味以水一斗三升先煮桑白皮粳米大棗米熟
去滓內諸藥煮取五升分六服日三

又方治肺氣不足心腹支滿欬嗽喘逆上氣唾膿血胸背痛手
足煩熱惕然自驚皮毛起或哭或歌或怒乾嘔心煩耳中聞風
兩聲面色白方

欬冬花 桂心各二兩 桑白皮一斤 生薑 五味子

鍾乳各三兩 粳米五合 大棗十枚 麥門冬四兩

右九味吹咀以水一斗二升先煮粳米棗令熟去之內藥煎取二升分三服温服之一方用白石英二兩廣濟用紫苑

名紫苑湯

麻子湯治肺氣不足欬唾膿血氣短不得卧方

麻子一升 桑白皮各一 錫斤各一 桂心各一 人參各二兩

阿膠各一兩 紫苑各一兩 生薑三兩 乾地黄四兩

右九味吹咀一斗五升水一斗五升合煮取四升分五服

錫煎治肺氣不足咽喉苦乾方

作錫任多少取乾棗一升去核熟擣水五升和使相得絞去滓澄去上清取濁者內飴中攪火上煎勿令堅令連連

服如雞子大漸漸吞之日三夜二

治肺風氣痿絕四肢滿脹喘逆胸滿方

灸肺輸各二壯肺輸對乳引繩度之在第三椎下兩傍相去各一寸五分

肺與大腸俱虛

右手寸口氣口以前脉陰陽俱虛者手太陰與陽明經俱虛也病苦耳鳴嘈嘈時妄見光明情中不樂或如恐怖名曰肺與大腸俱虛也

小建中湯治肺與大腸俱不足虛寒之氣小腹拘急腰痛羸瘠百病方

大棗十二枚 生薑各三兩 桂心各三兩 甘草二兩 芍藥六兩

小丘山房

喬氏世定刻行

右五味㕮咀以水八升煮取三升去滓內糖八兩煮三沸分
三服肘後用黃耆人參各二兩名黃耆建中湯

肺勞第三論方灸法

論曰凡肺勞病者補腎氣以益之腎王則感於肺矣人逆秋氣則手太陰不收肺氣焦滿順之則生逆之則死順之則治逆之則亂反順為逆是為關格病則生矣

麻黃引氣湯治肺勞實氣喘鼻張面目苦腫方

麻黃 杏仁 生薑 半夏各五分 紫蘇四分

白前 細辛 桂心各三分 橘皮二分 石膏八兩

竹葉切一升

右十一味㕮咀以水一斗煮取三升去滓分三服

半夏湯治肺勞虛寒心腹冷氣逆遊氣胸脇氣滿從胸達背痛憂氣往來嘔逆飲食即吐虛乏不足方

半夏一升 生薑一斤 桂心四兩 甘草 厚朴各二兩

人參 橘皮 麥門冬各三兩

右八味㕮咀以水一斗煮取四升分四服腹痛加當歸二兩厚朴湯治肺勞風虛冷痰澀水氣晝夜不得卧頭不得近枕上氣胸滿喘息氣絕此痰水盛溢方

厚朴 麻黃 桂心 黃芩 石膏

大戟 橘皮各二兩 枳實 甘草 秦艽

杏仁 茯苓各三兩 細辛一兩 半夏一升 生薑十兩

大棗十五枚

右十六味吹咀以水一斗三升煮取四升分五服

治喉痺氣逆欬嗽口中涎唾方

灸肺輸七壯亦可隨年壯至百壯

孫真人備急千金要方卷之五十四

孫真人備急千金要方卷之五十五

規五

宋朝奉郎守太常少卿充祕閣校理林億等校正

肺臟方

氣極第四論方

論曰凡氣極者主肺也肺應氣氣與肺合又曰以秋遇病為皮痺皮痺不已復感於邪內舍於肺則寒濕之氣客於六腑也若肺有病則先發氣氣上衝胸常欬自恚以秋庚辛日傷風邪之氣為肺風肺風之狀多汗若陰傷則寒寒則虛虛則氣逆欬欬則短氣暮則甚陰氣至溫氣生故甚陰畏陽氣晝日則瘥若陽傷則熱熱則實實則氣喘息上胸臆甚則唾血然陽病治陰陰是其裏陰病治陽陽是其表是以陰陽表裏衰王之源故知以

陽調陰以陰調陽陽氣實則決陰氣虛則引善治病者初入皮
毛肌膚筋脉則治之若至六腑五臟半死矣

扁鵲曰氣絕不治喘一作奔而冷汗出二日死氣應手太陰太陰
氣絕則皮毛焦氣先死矣鍾乳散治氣極虛寒陰畏陽氣晝瘥
暮甚氣短息寒亦治百病令人力強能飲食去風冷方

鍾乳研別 乾薑 桔梗 茯苓

細辛 桂心 附子 人參各一兩

白朮一兩 防風 栝蒌根 牡蠣各二兩

右十二味治下篩酒服方寸七日三漸加至二七五十以上

可數服得力乃止千金翼云有冷加椒有熱加黃芩各三兩

黃耆湯治氣極虛寒皮毛焦津液不通虛勞百病氣損力乏方

黃耆四兩 人參 白朮 桂心各二兩

生薑八兩 大棗十枚 附子三十銖一

右七味以水八升煮取二升去滓分四服

大露宿圓治氣極虛寒痺不已內含於肺寒氣入客於六腑腹
脹虛滿寒冷積聚百病方

礬石肘後作礬石 乾薑 桂心 皂莢

桔梗 附子各三兩

右六味為末蜜丸梧子大酒服十九日三漸加之慎熱及近
等

硫黃圓治氣極虛寒癖飲胸中痰滿心腹痛氣急不下飲食方

硫黃 礬石 乾薑 附子

烏頭

桂心

細辛

白朮

桔梗

茯苓各二兩

右十味為末蜜丸如梧子酒服十九日三漸加之以止為度

肘後無白朮桔梗茯苓用吳茱萸蜀椒人參皂莢當歸十二種為丸用治人大冷夏月溫飲食不解衣者

大前胡湯治氣極傷熱喘息衝胸常欬自恚心腹滿痛內外有

熱煩嘔不安方

前胡八兩

半夏

麻黃

芍藥各四兩

生薑五兩

黃芩三兩

枳實四枚

大棗十二枚

右八味以水九升煮取三升去滓分三服溫

竹葉湯治氣極傷熱氣喘甚則唾血氣短乏不欲食口燥咽乾

方

竹葉二升

麥門冬

小麥

生地黄各一升

生薑

石膏各六兩

麻黃三兩

甘草一兩

大棗十枚

右九味以水一斗煮取三升去滓分三服

灸法

嘔吐上氣灸尺澤不三則七壯尺澤者在腕後肘中橫文腹中

雷鳴相逐食不化逆氣灸上管下一寸名太倉七壯

積氣第五論方灸法

論曰七氣者寒氣熱氣怒氣志氣喜氣憂氣愁氣凡七種氣積

聚堅大如杯若絆在心下腹中疾痛不能飲食時來時去每發

欲死如有禍祟此皆七氣所生寒氣即嘔逆惡心熱氣即說物

小丘山房

卷五十五

三

喬氏世定刻行

不竟而迫怒氣即上氣不可忍熱痛上搶心短氣欲死不得息
恚氣即積聚在心下不得飲食喜氣即不可疾行不能久立憂
氣即不可劇作暮卧不安愁氣即喜忘不識人語置物四方還
取不得去處若聞急即四肢附腫手足筋攣捉不能舉如得病
此是七氣所生男子卒得飲食不時所致婦人即產後中風諸
疾也

七氣圓方

烏頭

大黃各七

紫苑

半夏

前胡

細辛

丹參

茯苓

芎藭

桃仁胡洽作杏仁

菖蒲一作芍藥

石膏

吳茱萸

桂心

桔梗各三分

人參

甘草

防葵各二兩

乾薑

蜀椒各半兩

右二十味為末蜜丸如梧子大酒服三九日三加至十九一
方去半夏加甘遂三分胡洽無丹參甘草

七氣圓主七氣七氣者寒氣熱氣怒氣恚氣喜氣憂氣愁氣此
之為病皆生積聚堅牢如杯心腹絞痛不能飲食時去時來發
則欲死凡寒氣狀吐逆心滿熱氣狀恍惚眩冒失精怒氣狀不
可當熱痛上盪心短氣欲絕不得息恚氣狀積聚心滿不得食
飲喜氣狀不可疾行久立憂氣狀不可若作卧不安席愁氣狀
平故如怒喜忘四肢附腫不得舉止亦治產後中風餘疾方

大黃二兩

人參

半夏

吳茱萸

柴胡

乾薑

細辛

桔梗

葛蒲各二分

茯苓

芍藥

甘草

蜀椒挂心

石膏

桃仁各三分

右十五味為末蜜丸如梧子大每服酒下三九日三服漸加至十九千金翼十味無茯苓

七氣湯治寒氣熱氣憂氣勞氣愁氣或飲食為膈氣或勞氣內傷五臟不調氣衰少力方

乾薑

黃芩

厚朴深師作挂心

半夏

甘草

乾地黄

芍藥

枯婁根各二兩深師作搗皮

蜀椒三兩深師作搗

枳實五枚

人參兩

吳茱萸五枚

右十二味以水一斗煮取三升分三服日三又方治虛冷上氣勞氣等方

半夏升一

人參

生薑

桂心

甘草各一兩

右五味以水一斗煮取三升分三服日三

五膈圓治憂膈氣膈食膈飲膈勞膈五病同三服以憂恚思慮飲食得之若冷食及生菜便發其病若心滿不得氣息引背痛如刺之狀食即下心堅大如粉絮大痛欲吐吐即瘥飲食不得下甚者及手足冷上氣刻逆喘息短氣方

麥門冬

甘草各五兩

蜀椒

遠志

桂心

細心各三兩

附子一兩半

人參四兩

乾薑二兩

右九味為末蜜丸微使渾先食舍如彈丸一枚細細咽之候

中胸中當熱藥力稍盡腹含一九日三夜二服藥七日愈延

方云若不能舍者可分一大丸作七小圓盡服之夏月含益
麥門冬甘草人參胡洽云亦可梧子大上丸酒服之經心錄
以吳茱萸代桂心酒下如梧子五丸空腹服之治寒冷則心
痛咽中有物吐之不出咽之不如食飲少者

治結氣冷癥積在脇下及脚氣上入小腹腹中脹滿百病方

大蒜去心皮三升擣令極熟以水三升和令調絞取汁更

擣餘滓令熟更以水三升和令調絞取汁更擣餘滓令熟

更以水三升和令調絞取汁合得九升所得滓可挑顆大

棄却以微火煎取三升下牛乳三升合煎取三升旦起空

腹一頓温服令盡至申時食三日服一劑三十日服十劑

止

大蒜煎治疝瘕積聚冷癖痰飲心腹脹滿上氣欬嗽刺風風癩

偏風半身不隨腰疼膝冷氣息否塞百病方

蒜六斤四兩去皮切水酥一升內牛乳二

葦菱 胡椒 乾薑各三 石蜜

阿魏 戎鹽各二 石菖蒲 木香各一

乾蒲桃四

右十二味為末合內蒜汁中以銅器微火煎取一斗空腹酒

下一兩五日已上稍加至三兩二十日覺四體安和更加至

六兩此治一切冷氣甚良

桔梗破氣圓治氣上下否塞不能息方

桔梗 橘皮 乾薑 厚朴

枳實 細辛 葶藶各三 吳茱萸

小丘山房

卷五十五

七

喬氏世定刻行

白朮各六分 胡椒 蜀椒 烏頭各七

葶芩分 人參 桂心 附子

茯苓 前胡 防葵 芩藎各五

甘草 大黃 檳榔 當歸各八

右二十四味為末蜜丸如梧子大每服酒下十九丸二有熱者空腹服之

檳榔湯治氣實若積聚不得食息方

檳榔三枚 附子一枚 半夏升 細辛兩

生薑兩 大黃 紫苑 柴胡各三

橘皮 甘草 紫蘇冬用 茯苓各二

右十二味以水一斗煮取三升分三服相去如人行十

里久若有癥結堅實如石加鼈甲二兩防葵二兩氣上加桑

白皮切二升枳實厚朴各二兩消息氣力強弱進二劑後隔

十日更服前桔梗破氣圓

治積年患氣發作有時心腹絞痛忽然氣絕腹中堅實醫所不

治腹謂是蠱方

檳榔大者四枚 附子一枚 半夏升 柴胡三

生薑兩 橘皮 甘草 桂心

當歸 枳實各二

右十味以水一斗煮取三升分三服五日一劑服三劑永除根本

半夏湯治逆氣心腹滿氣上胸脇痛寒冷心腹痛嘔逆及吐不

下食憂氣結聚方

半夏升一

生薑

桂心各五兩

橘皮兩四

右四味以水七升煮取三升分四服日三夜一人強者作三服亦治霍亂後吐逆腹痛

又方治逆氣心中煩滿氣悶不理氣上方見第十六卷嘔吐篇四味者是

貝母湯治上氣咽喉窒塞短氣不得卧腰背痛胸滿不得食面色萎黃方

貝母兩一

生薑兩五

桂心

麻黃

石膏

甘草各二兩

杏仁三十枚

半夏兩五

右八味以水一斗煮取三升分為三服日三

麻黃湯治上氣脉浮欬逆喉中水鷄聲喘息不通呼吸欲死方

麻黃兩八

甘草兩四

大棗三十枚

射干如博棊子二枚

右四味以井花水一斗煮麻黃三沸去沫内棗煮取四升分四服日三夜一

奔氣湯治大氣上奔胸膈中諸病發時迫滿短氣不得卧劇者便惰欲死腹中冷濕氣腸鳴相逐成結氣方

生薑斤一

半夏

吳茱萸各一斤

桂心兩五

人參

甘草各三兩

右六味以水一斗煮取三升分四服

枳實湯下氣治胸中滿悶方

枳實枚三

附子枚二

大棗枚十四

半夏兩五

小丘山房

仁壽卷五十五

喬氏世定刻行

人參

甘草

白朮

乾薑

厚朴各二兩

右九味以水七升煮取二升半每服八合日三下氣治氣滿腹脹方

半夏升

生薑斤

人參一兩半

橘皮三兩

右四味以水七升煮取三升去滓分三服日三一方無

人參止三味

治氣兩脇滿急風冷方

杏仁

茯苓

防葵各八分

吳茱萸

橘皮

桂心

防風

澤瀉各五分

白朮

射干

芍藥

蘇子

桔梗

枳實各六分

右十四味為末蜜丸梧子六酒服十九日二加至三十九

治氣滿閉塞不能食喘息方

訶梨勒十枚為末蜜丸如梧子食後服三丸不忌得利

即止

治氣欬逆方

蘇子升

五味子合

麻黃

細辛

紫苑

人參

黃芩

甘草各二兩

桂心

當歸各一兩

生薑五兩

半夏三兩

右十二味以水一斗煮取三升分作三服

治氣上不得卧神祕方

小丘山房

喬氏世定刻行

橘皮 生薑 紫蘇 人參

五味子 各五兩一
方作桔梗

右五味吹咀以水七升煮取三升分三服

治熱發氣上衝不得息欲死不得卧方

桂心半 白石英 麥門冬 枳實

白鮮皮 貝母 茯苓 檳榔仁

天門冬 各二兩半 車前子 二兩 人參 前胡

橘皮 白薇 杏仁 各一兩半 郁李仁 三兩

桃仁 五分

右十七味為末蜜和丸如梧子大以竹葉飲服十九日二加至三十九

竹葉飲法

竹葉 紫蘇子 各一升 紫苑 白前 各二兩

百部 甘草 生薑 各三兩

右七味吹咀以水八升煮取三升温下前丸藥盡更合

人參湯安食下氣理胸脇并治客熱方

人參 麥門冬 乾薑 當歸

茯苓 甘草 五味子 黃耆

芍藥 枳實 各二兩 桂心 三兩 半夏 一升

大棗 十五枚

右十三味吹咀以水九升煮取三升去滓每服九合從旦至晡令盡皆熱服慎勿冷

海藻橘皮圓下氣治風虛支滿膀胱虛冷氣上衝肺息奔令咽
喉氣悶往來方

海藻

橘皮

白前各三分

杏仁

茯苓

芍藥

桂心各五分

蘇子五合

棗肉

桑根白皮

昆布各二兩

吳茱萸

人參

白朮

芎藭各一兩

右十五味為末蜜丸如梧子大飲服十九日二加至十五丸

以利小便為度

治氣上方

礪砂

細辛

牛膝各分

右三味末氣發酒服方寸匕後三日忌酒餘禁如藥法

治上氣方

上酥升

蜀頭蒜五顆

右二味先以酥煎蒜蒜黃出之用生薑汁一合共煎令熟空

腹溫服一方寸匕

治上氣嘔吐方

芥子二升為末蜜丸寅時以井花水服如梧子七九日二

亦可作散空腹服之及有酒浸服并治臍下絞痛

治勞氣方

小芥子三升搗末絹袋盛酒三斗浸之密封七日去滓溫

服半升漸至一升半得方更合忌如藥法

治上氣三十年不差方

大棗

杏仁

各一百粒

豉

一百二十粒

蜀椒

右四味先搗杏仁豉令熟後內棗椒更搗為丸如棗核大含稍稍咽之日三夜一

治積年上氣不瘥垂死者方

葇荑子

葵令色變

熟羊肝

薄切曝乾

右二味各搗等分以七月七日神酢拌令相著夜不食空腹

服二方寸七須拾針兩食間以冷漿白粥二匕止之隔日一

服永瘥四十日內得煮飯汁作蕪菁美食之已外一切禁斷

下氣方

生薑

五兩

小麥

右二味以水七升煮取一升頓服

又方

大棗

二十七枚

紫蘇莖葉

切一升

右二味以酒三升煮取一升半分再服水煮亦得一方加橘

皮半兩

肘後方無棗用橘皮

治氣方

桃皮二斤去黃者吹咀以水五升煮取三升每服一升瘥

止

又方酒服驢脂二合日二瘥止

又方黃牛乳二升煎取一升和生乳一升空腹服之日二

又方驢乳初服三合三日後日別五合後至七合七日後至一

升忌葵菜猪魚油等

又方尿空腹服百日即止治一切病

小丘山房

本草綱目卷五十五

喬氏世定刻行

又方烏牛尿空腹服日再至三升止
補氣虛逆方

大棗三升

甘皮去脉十具

乾薑二兩

乾地黄八兩

右四味治下篩酒四升漬棗三宿漉出棗取酒為炊汁將棗內甑中微火蒸令棗膏入釜中酒裏煎酒令餘二升許候甑中棗只留皮核在乃止火貯器中將前散及熱下攪令調大畧與糖相似以酒服二合日再此方非止補氣亦通治一切短氣并形體羸瘦甚良

大補氣方

乾地黄五兩

甘草

秦椒各一兩

乾薑

昆布

地骨皮各四兩

白朮

桂心

人參

厚朴

海藻各三兩

羊腎一具去膏四枚

羊肚一具治如食法去膏背

右十三味治下篩內羊肚中合腎縫塞肚口蒸極熟為度及熱木臼合搗取肚腎與藥為一家曝乾更搗為散酒服方寸七日二

白石英散明目利小便治氣及補五勞七傷無所不治方

煉成白石英十兩

白石英無多少以錐子礎上細研向明選去靨翳色暗黑黃赤者惟取白淨者

為佳搗絹下之甕器中研令極細熟以生絹袋於銅器中水飛之如作粉法如此三度研訖澄之漸漸去水水盡至石英曝得乾看中有粗惡不淨者去之取中央好者在下有粗惡者亦去之更研堪用者使熟白絹袋子盛著甕中取懸之使乾更於甕器中研之為成

石斛

茯苓各六分

澤瀉

茯苓

小丘山房

喬氏世定刻行

橘皮各一兩 菟絲子各二兩

右七味治下篩總於瓦器中研令相得重篩酒服方寸七日
二不得過之猪魚鵝鴨蒜冷酢滑

補傷散治肺傷善泄欬善驚恐不能動筋不可遠行膝不可久
立汗出鼻乾少氣喜悲心下急痛痛引胸中卧不安席忽忽喜
夢寒熱小便赤黃目不遠視唾血方

天門冬升 防風 澤瀉 人參

阿膠各一兩半 栝蔞根 前胡 芍藥

石膏 乾薑 大豆卷各二兩 紫苑

白欵各一兩 桂心 白朮各四兩 乾地黄

甘草 薯蕷 當歸各二兩半

右十九味治下篩食上酒服方寸七日三

白石英圓補養肺氣方

白石英一作白翳 陽起石 磁石 菟絲子

茯苓 乾地黄各三兩半 石斛 栝蔞根

白朮 五味子各三兩 防風 巴戟天各五分

桂心 人參各一兩 蛇牀子半兩

右十五味為末蜜丸如梧子酒下十五丸加至三十九日二服

理氣圓治氣不足方

杏仁 桂心各一兩 乾薑 益智子各二兩

右四味為末蜜丸如梧子未食服三丸以止為度

治冷氣氣短方

小丘山房

千金方卷五十五

十四

喬氏世定刻行

蜀椒五兩絹袋盛酒一斗浸二七日服之任意多少
治讀誦勞極疲乏困頓方

酥

油

糖

酒

白蜜各二升

右五味合於銅器中微火煎二十沸下之為準七日七夜服
令盡宜慎生冷

又方

人參

甘草

茯苓

當歸各二兩

地骨皮

芎藭

芍藥

乾地黄

黃耆各三兩

大棗二十枚

右十味以水一斗煮取三升分三服一方用杜心三兩

治卒短氣方

檮韭汗弱一升立瘥用後方治卒上氣喘息便欲絕

治乏氣方

生薑

枸杞葉各二兩

右二味以水三升煮取一升頓服

治少年房多短氣方

鼓訖

梔子二十七枚

右一味以水二升煮取鼓一升半去鼓肉梔子煮取八合服

半升不瀝更服

灸法

凡上氣冷發腹中雷鳴轉叫嘔逆不食灸大衝不限壯數從痛
至不痛從不痛至痛止

上氣厥逆灸胸堂百壯穴在兩乳間

胸膈中氣灸闕輸隨年壯扁鵲云第四椎下兩傍各一寸半名闕輸

心腹諸病堅滿煩痛憂思結氣寒冷霍亂心痛吐下食不消腸

鳴泄利灸太倉百壯太倉穴一名胃募在心下四寸乃胃管下一寸○結氣囊裏針藥

所不及灸育募隨年壯育募二穴從乳頭即度至臍中屈去半

從乳下行度頭是穴

下氣灸肺輪百壯又灸太衝五十壯

凡臍下絞痛流入陰中發作無時此冷氣灸闕元百壯穴在臍

下三寸

短氣不得語灸天井百壯穴在肘後兩筋間○又灸大椎隨年

壯○又灸肺輪百壯○又灸肝輪百壯○又灸尺澤百壯○又

灸小指第四指間交脉上七壯○又灸手十指頭合十壯○少

年房多短氣灸鳩尾頭五十壯○又鹽灸臍孔中二七壯

乏氣灸第五椎下隨年壯

論曰凡卒厥逆上氣氣功兩脇心下痛滿奄奄欲絕此為奔弛

氣即急作湯以浸兩手足數數易之

奔弛灸氣海百壯穴在臍下一寸半○又灸闕元百壯穴在臍

下三寸○奔弛灸期門百壯穴直兩乳下第二脇端傍一寸五分

奔弛腹腫灸章門百壯章門一名長平二穴在大橫外直臍季

脇端○奔弛捨心不得息灸中極五十壯中極一名玉泉在臍

下四寸○奔弛上下腹中與腰相引痛灸中府百壯穴在乳上

三肋間○奔弛上下灸四滿二七壯穴俠丹田兩傍相去三寸

即心下八寸臍下橫文是也

孫真人備急千金要方卷之五十五

孫真人備急千金要方卷之五十六

規六

宋朝奉郎守太常少卿充祕閣校理林億等校正

肺臟方

肺痿第六論方

論曰寸口脉數其人病欬口中反有濁唾涎沫出何也師曰此為肺痿之病何從得之師曰病熱在上焦因欬為肺痿或從汗出或從嘔吐或從消渴小便利數或從便難數被駛藥下重亡津液故得肺痿又寸口脉不出而反發太陽脉早索陰脉不澀三焦踰入而不出陰脉不澀身體反冷其內反煩多唾唇燥小便反難此為肺痿傷於津液便如爛瓜下如豚腦但坐發汗故也其病欲欬不得欬欬出乾沫久久小便不利其脉平弱肺

痿吐涎沫而欬不者其人不渴必遺溺小便數所以然者上虛不能制下故也此為肺中冷必眩師曰肺痿欬唾咽燥欲飲者自愈自張口者短氣也

甘草乾薑湯溫臟治肺痿多涎唾小便數肺中冷必眩不渴不效若渴者屬上虛下不能制瘦服此湯已小溫覆之方

甘草四兩

乾薑

二兩集驗肘後有大棗十二枚

右二味以水三升煮取一升半去滓分二服

甘草湯治肺痿涎唾多出血心中溫溫液液方千金翼名溫液湯

甘草二兩以水三升煮取一升半去滓分三服

生薑甘草湯治肺痿欬唾涎沫不止咽燥而渴方

生薑五兩

甘草四兩

人參三兩

大棗十二枚

右四味以水七升煮取三升去滓分三服

桂枝皂莢湯治肺痿吐涎沫不止方去芍藥加皂莢

桂枝

生薑各三兩

甘草二兩

皂莢一兩

大棗十五枚

右五味以水七升煮取三升去滓分三服

麻黃湯治肺脹欬而上氣咽燥而喘脉浮者心下水方

麻黃

芍藥

生薑仲景用乾薑

細辛

桂心各三兩

半夏

五味子各半升

石膏四兩

右八味以水一斗煮取三升分三服仲景名此為小青龍加石膏湯用甘

譚三兩
九兩

肺癰第七論方

小丘山房

喬氏世定刻行

論曰病欬唾膿血其脉數實者屬肺癰虛者屬肺痿欬而口中自有津液舌上胎滑此為浮寒非肺痿若口中辟燥欬即胸中隱隱痛脉反滑數此為肺癰也問曰病者欬逆師脉之何以知為肺癰當有膿血吐之則死後竟吐膿死其脉何類何以別之師曰寸口脉微而數微則為風數則為熱微則汗出數則惡寒風中於衛呼氣不入熱過於榮吸而不出風傷皮毛熱傷血脉風合於肺其人則欬口乾喘滿咽燥不渴多唾濁沫時時振寒熱之所過血為凝滯蓄結癰膿吐如米粥始萌可救膿已成則難治寸口脉數跌陽脉緊寒熱相搏故振寒而欬跌陽脉浮緩胃氣如經此為肺癰師曰振寒發熱寸口脉滑而數其人飲食起居如故此為癰腫病醫反不知而以傷寒治之不應愈也何

以知有膿膿之所在何以別知其處師曰假令膿在胸中者為肺癰其脉數欬唾有膿血設膿未成其脉自緊數緊去但數膿為已成也

桔梗湯治欬胸中滿而振寒脉數咽乾而不渴時時出濁唾腥臭久久吐膿如粳米粥是為肺癰者方

桔梗 三兩集驗用二兩 古今錄驗用一兩 甘草 二兩

右二味以水三升煮取一升去滓分二服必吐膿血也

一方有欬冬花一兩半

瀉肺湯治肺癰喘不得卧方

葶藶 三兩 為末 大棗 二十枚

右二味先以水三升煮棗取二升去棗內藥一棗大煎取七

合頓服令盡三日服一劑可至三四劑治肺癰胸脇脹一身

面目浮腫鼻塞清涕出不聞香臭欬逆上氣喘鳴迫塞未進

此方宜先服小青龍湯却服前藥其青龍湯方在十八卷

黃昏湯治欬有微熱煩滿胸心甲錯是為肺癰者方

黃昏手掌大一片是合昏皮也呔咀以水三升煮取一升

分二服

又方善慈以仁

瓜瓣升半

桃仁五十枚

葶藶切二升水二斗煮取五升

法

右四味呔咀內葶汁中煮取二升服一升當有所見吐膿血

飛口鬼疰第八論方灸法

論曰凡諸心腹痛服衆方熱藥入腹寂然不動但益氣息急者

此尸疰病也宜先服甘草汁一升消息少時服瞿麥湯盡一劑

得下便覺稍寬并暴癥堅結宿食及女人血堅痛發作無定者

神良

五疰湯治卒中賊風遁尸鬼邪心腹刺痛大脹急方

大黃

甘草各三兩

當歸

芍藥各二兩

烏頭十枚

生薑

蜜各一斤

桂心四兩

右八味呔咀別漬大黃以水九升煮取三升烏頭別內蜜中

煎令得一升拌湯中去滓分服三合如人行三十里久更進

一服日三不止加至四合

蜈蚣湯治惡疰邪氣往來心痛徹背或走入皮膚移動不定苦

熱四肢煩痛羸乏短氣方

蜈蚣一枚

牛黃一分

大黃二兩

丹砂

人參各三分

細辛

鬼白

當歸

桂心

乾薑各一兩

黃芩

麝香各半兩

附子四枚

右十三味咬咀以水一斗煮取三升去滓下牛黃麝香末分三服

治卒中惡賊風寒冷入腹便絞痛或飛尸遁尸發作無時捨心胸滿脇痛如刀刺口噤者方

甘草

乾薑

茯苓

乾地黄

羊脂

當歸

細辛各一兩

芍藥

吳茱萸

桂心各二兩

梔子仁十五枚

右十二味咬咀以水八升煮取三升去滓內脂烺盡分三服欲利者加大黃三兩

治卒中惡風角弓反張或飛尸遁尸心腹絞痛者方

乾地黄

茯苓

芍藥

當歸

甘草各一兩

吳茱萸

桂心

乾薑

芍藥各二兩

梔子仁十四枚

右十味咬咀以水八升煮取三升分三服痛甚者加羊脂三兩當歸人參芍藥各一兩心腹堅急加大黃三兩

桃皮湯治中惡氣心腹痛胸脇脹滿短氣方

桃白皮一握東引者

真珠

附子各一兩

梔子仁十四枚

當歸三兩

吳茱萸

豉各五兩

桂心二兩

右八味吹咀以水五升煮取二升去滓內真珠末分作二服一方無當歸以下四味

桃奴湯治中惡諸尸蠱疰心腹卒絞痛方

桃奴 當歸 人參 乾薑各二兩

芎藭 甘草各三兩 丹砂 麝香

茯苓 犀角 鬼箭羽 桂心各一兩

右十二味吹咀以水九升煮取二升半去滓分二服未食服

大便不通腹滿者加大黃三兩芒消二兩胡洽有雄黃一兩無丹砂芎藭

治卒中風寒冷温氣入腹虚脹急滿搶心胸脇义痛氣息不通脉弦緊汗不出及得傷寒方

吳茱萸 當歸 麻黄 獨活

甘草 桔梗 茯苓各二兩 桂心

青木香 石膏 大黃 犀角各三兩

右十二味吹咀以水九升煮取三升分三服日三

治風冷氣入腹忽絞痛緊急如吹大小便閉小腹有氣結如斗大脹滿起其脉弦老者沉遲方

瞿麥 當歸 猪苓 鬼箭羽

桔梗 防己 海藻 吳茱萸

芎藭各二兩 桂心 大黃各三兩 一用犀角二兩

右十一味吹咀以水九升煮取三升分三服

治諸雜疰相連續死亦治三十年衆疰方

桃根白皮一斤吹咀以水二斗煮取一斗去滓分八九服

須令二日服盡崔氏用桃根白皮治疰在心底痛不可忍者

又方擣桃仁二七枚研酒服

又方小芥子末鷄子白和傳

尸疰鬼疰者即五尸之中尸疰又挾諸鬼邪為害者也其變動乃有三十六種至九十九種大略令人寒熱淋瀝沉沉默默不的知其所苦而無處不惡累年積月漸就頓滯以至於死死後復疰易傍人乃至戒門覺如此候者宜急療之方

瀨肝一具陰乾治下篩水服一方寸七日三如一具不瘥

更作

小附著湯治飛尸賊風發時急痛不在一處針則移發一日半

日乃瘥須更復發者方

細辛

甘草一作莽草

天雄各一分

桂心三分

附子

烏頭

乾薑各一分

雄黃

真珠各半兩

右九味治下篩酒服方寸匕不知稍增以知為度胡洽有蜀椒四分不

用桂心附子

大附著散治五尸疰忤與前狀同者方

黃芩

由跋

椒目

細辛

雄黃

乾薑

黃連各二兩

金牙

犀角

麝香

牛黃各一分

天雄

桂心各半兩

真珠三分

蜈蚣一枚

小丘山房

喬氏世定刻行

右十五味治下篩酒服一錢七日三以知為度

大金牙散治一切疰病方見別卷中

金牙散治鬼疰風邪鬼語尸疰或在腰脊胸脇流無常處不喜

見人志意不定面脫色目赤鼻張唇乾甲黃者方

金牙

雄黃

鐵精

野葛

露蜂房

芫蕪

大黃

甘草

曾青

蛇蛻皮

真珠

丹砂

藟茹

乾漆各一分

石長生

狸皮骨一作鶴骨

桔梗

鬼白

鬼箭羽

鬼督郵

椒目

烏頭

狼毒

蕪荑

藜蘆

雷丸

鼈甲

滑石各二分作消石

毒公

胡燕屎

牛黃各三分

人參

狼牙

寒水石

桂心各四分

石膏五分

蜈蚣

蜥蜴

附子各一枚

蟻娘

亭長各七枚

元青

徐長卿

玳瑁各十枚

貝母二枚

右四十五味治下篩先食以酒服一升日再不知漸加之

蟲隨大小便出崔氏名方金牙散

白朮散治風入臟腑悶絕常自躁痛或風疰入身冷疰鬼疰飛

尸惡氣腫起或左或右或前或後或內或外針灸流移無有常

處驚悸腹脹氣滿心頭痛或恍惚悲懼不能飲食或進或退陰

下黑瘰或大便有血小便赤黃房中勞極方

小丘山房

喬氏世定刻行

白朮十四枚

附子

秦艽

人參

牡蠣

蜀椒

細辛

黃芩

芎藭

牛膝各三分

乾薑

桂心

防風各五分

茯苓

桔梗

當歸

獨活

柴胡各四分

烏頭

甘草

麻黃

石南

莽草

桔萸根

天雄

杜仲各二分

右二十六味治下節平旦酒服五分七訖如人行七里久勢

欲解更飲酒五合為佳

太乙備急散治卒中惡客忤尸入腹鬼刺鬼瘵及中蠱症吐血下血及心腹卒痛腹滿傷寒熱毒病六七日方

雄黃

桂心

芫花各二兩

丹砂

蜀椒各一兩

藜蘆

巴豆各一分

野葛三分

附子五分

右九味巴豆別治如脂餘合治下節以巴豆合和更搗合和調置銅器中密貯之勿泄有急疾水服錢五七可加至半錢七老小半之病在頭當鼻衄在膈上吐在膈下利在四肢當汗出此之所為如湯沃雪手下皆愈方宜秘之非賢不傳龍牙散治百疰邪鬼飛尸萬病方

龍牙

茯苓各二兩半

雄黃

棗膏

芍藥各五

乾地黄

石斛

胡燕屎各三分

鬼箭羽

烏頭

羌活

露蜂房

小山房

喬氏世定刻行

曾青 真珠 桂心 杏仁

防風 桃奴 鬼臼 鶴骨各一兩

人參 大黃各一兩半 白朮二兩 蘇子四合

銅鏡鼻 甘草 橘皮 芎藭

鬼督郵 遠志 鼈甲各半兩 狸陰二具

蜈蚣一枚

右三十三味治下節酒服一斗圭以知為度當有蟲從大便

出

治鬼疰毒氣變化無常者方

犀角 麝香 丹砂 雄黃

蜈蚣 鮫魚皮 丁香 鹿角

龍骨 藜蘆根 蜀椒 乾薑各一兩

貝子十枚

右十三味治下節酒服方寸匕加至二七日三

備急散治卒中惡風氣忤迷絕不知人方見別卷三味備極丸是

治暴心痛面無顏色欲死者方

以布裹鹽如彈丸大燒令赤置酒中消服之利即愈

治蠱疰方

燒猫兒屎灰水服之用雜

墨奴散治卒得惡疰腹脹方

釜下墨一合 鹽二合

右二味合治以水一升半煮取八合一服令盡須臾吐下即

瘡

治哭症方

梳齒間刮取垢水服之

又方

亂髮一

臘月豬脂一

右二味取豬脂煎熟家令消烱服之蟲死美

又方熬大豆帛裏熨之

治一切病食滯方

凡食上得病名去而食滯

取金下土鷄子六為末酢泔清一升和服之行五十步吐

即瘡

又方還取本食種數多少相似各少許和合布裏燒灰如杏人大水服之

鶴骨圓治遁尸飛尸積聚胃痛連背走無常處或在臍或腫在腹或奄奄然而痛者方

鶴骨三

丹砂一作丹參

牡蠣一作牡丹

雄黃

莽草各四分

藜蘆

桂心

野葛各二分

斑蝥

芫青各十枚

巴豆四十枚

蜈蚣一枚

右十二味為末蜜丸如小豆每服二九日三以知為度

蜥蜴圓治癥堅水腫飛尸遁尸寒尸喪尸尸疰骨血相注惡氣鬼忤蝮毒邪氣往來夢寤存亡流飲結積虎狼所齧癩人所咋鳩毒入人五臟服藥以殺其毒毒即消婦人邪氣鬼忤亦能遣之之方方與積聚篇重

蜥蜴

蜈蚣各二枚

蝨蟲

杏仁冬三枚

小丘山房

喬氏世定刻行

地膽五十枚

麝蟲四十枚

朴消

巴豆各七

澤漆

鬼督郵

桑赤鷄

桃奴

犀角各二分

乾薑四分

虎骨六分

甘草一两

芍藥

甘遂各五分

款冬花三分

蜣螂十四枚

右二十味別治巴豆杏仁如膏內諸藥末研調下蜜搗二萬杵丸如麻子太食前服三九日一不下加之不取吐下者一丸旦服有人風冷痲痺堅二十年得愈

桔梗圓治毒痲鬼痲食痲冷痲痰飲宿食不消酒癖諸病方

桔梗

藜蘆

皂莢

巴豆

附子各二

右五味為末蜜和搗萬杵丸如梧子宿不食平旦飲服二丸

仰臥服勿眠至食時膈上吐膈下下去惡物如科斗蝦蟇子或長一二尺下後當大虛口乾可作鷄羹飲五合太極飲食粥一升三四日病未盡更服忌如藥法

十痲圓治十種痲氣痲勞痲鬼痲冷生人痲死人痲尸痲食痲水痲土痲等方

黃雄

巴豆各二

人參

甘草

麥門冬

細辛一作藁本

桔梗

附子

皂莢

蜀椒各一

右十味末蜜丸如梧子空腹服五九日再稍加以知為度

太乙神明陷水圓治諸病破積聚心下支滿寒熱鬼痲長病欬逆唾噫辟除衆惡鬼逐邪氣鬼擊客忤中惡昏中結氣咽中閉

塞有進有退繞臍絞痛惻惻隨上下按之挑手心中愠愠如有
蟲狀毒症相染甚至滅門者方

雄黃 桂心 丹砂 礬石一作礬石

藜蘆 大黃各二 元青五枚 真珠

附子各一兩半 麝香 人參 犀角

鬼白 射罔 牛黃各一兩 蜈蚣

蜥蜴各一枚 烏頭八枚 杏仁三十枚 斑猫

樗雞 地膽各七枚 當歸三兩 巴豆一分

右二十四味為末蜜和搗三萬杵丸如小豆先食服二丸日
再不止稍增以藥二丸著門上令衆邪不近傷寒服之無不
愈若至病家及視病人夜行獨宿服二丸衆邪不能近也合

無元青桂心真珠麝香人參犀角烏頭射罔
罔蜥蜴樗雞牛黃當歸只十二味與積聚篇重

江南度世圓治萬病癥結積聚伏尸長病寒熱疰氣流行皮中
久病著牀肌肉消盡四肢煩熱嘔逆不食傷寒時氣惡疰汗出
口噤不開心痛方

蜀椒三兩 人參 細辛 甘草各二兩

茯苓 真珠 大黃 乾薑

丹砂 野葛 桂心 雄黃

麝香 鬼白各一兩 烏頭 牛黃各二分

附子 紫苑各六分 巴豆六十枚 蜈蚣二枚

右二十味為末蜜丸如小豆飲服二丸加至四九日二加獺
肝一具尤良

大度世圓治萬病與前狀同者方

牛黃

大黃

雄黃

細辛

附子

真珠

甘草

人參

射罔

丹砂

鬼臼

莽草

蜀椒

麝香

鬼箭羽

茯苓

桂心

紫苑各二兩

乾薑三兩

野葛一尺

蜥蜴

蜈蚣一枚

地膽五十枚

元青二十枚

樗雞三十枚

巴豆仁八十枚

右二十六味為末蜜丸如小豆飲服二九日二先食服之

治瘧病相染易及霍亂中惡小兒客忤長病方

獺肝具一

蜈蚣一枚

麝香二分

雄黃

莽草

丹砂

鬼白

犀角

巴豆

大黃

牛黃各一兩

右十一味末蜜丸如麻子空腹服二九至三九以止為度

雷氏千金圓治行諸氣宿食不消飲食中惡心腹痛如刺及瘧

方

消石三分

大黃五分

桂心

乾薑二兩

巴豆仁六十枚

右五味為末擣二千杵蜜丸如大豆服二九神驗無比已死

者拆齒灌之

治卒得尸瘧毒痛往來方

杏仁

亂髮灰各等分

小丘山房

喬氏世定刻行

右二味研如脂丸如梧子每服酒下三九日三姚氏猪膏和丸
治遁尸尸症心腹刺痛不可忍者方

桂心 乾薑各一兩 巴豆仁二兩

右三味治下篩以上酢和如泥傅病上乾即易之

治遁尸尸症心腹及身有痛處不得近者方

取艾小按令碎著痛上厚一寸餘熱湯和灰令強熱置艾

上冷即易不過二三度瘥

治遁尸飛尸又治暴風毒腫流入四肢頭面方

白芥子一升蒸熱轉以黃丹二兩攪和分作兩分用踈布

袋盛更蒸使熱以薄痛上當更迭蒸袋常使熱薄之如此

三五度即定

治人皮膚中痛名曰癥疰方

醋和燕窠土傳之一

治走疰方

燒車釭令熱暫入水以濕布裹熨病上

治三十年氣疰方

豉心半升 生椒合

右二味以水二升煮取半升適寒温用竹筒縮取汁令病者

側卧手擘大孔射灌之少時當出惡物此法垂死悉治得瘥

百千不可具說

灸法

凡五尸者飛尸遁尸風尸沉尸尸疰也今皆取一方兼治之其

狀腹痛脹急不得氣息上衝心胃傍攻兩脇或暴塊踊起或牽引腰背治之之法灸乳後三寸男左女右可二七壯不止者多其壯數取愈止○又灸兩手大拇指頭各七壯○又灸心下三寸十壯○又灸乳下一寸隨病左右多其壯數○又以細繩量患人兩乳頭內即裁斷中屈之又從乳頭向外量使當助鐻於繩頭灸三壯或七壯男左女右卒疰忤攻心胃灸第七椎隨壯年○又灸心下一寸三壯○又灸手肘文隨年壯一切病食疰灸手小指頭隨年壯男左女右五毒疰不能飲食百病灸心下三寸胃管十壯

水庄口中經云肺來乘腎食後吐水灸肺輸○又灸三陰交○又灸期門穴在乳下二肋間瀉肺補腎也各隨年壯一切疰無

新久先仰臥灸又乳邊邪下三寸第三肋間隨年壯可至三百壯又治諸氣神良一名疰市

孫真人備急千金要方卷之五十六

小丘山房

喬氏世定刻行



全集卷五十六

十一

程